

幸魯盛典

卷二十五 卷二十六

幸魯盛典卷二十五

聖駕幸魯恭紀十律

有序

山外左春坊左中允兼翰林院編修

臣李

栴

皇帝御極之二十三年海宇清晏雨暘時若文德覃敷

聲教四訖於是勤與書契

法駕幸魯郊祀

皇先師孔子再移

躡展墓

親灑宸翰勒碑顏額製檜賦及詩以垂訓來茲傳示無

與極



賜東野之爵卹先儒之裔下至陪祀諸臣無不仰沾
聖澤異數隆文具載

盛典臣職忝詞苑伏見

皇帝崇儒重道稽古好文書契未有宜作為歌詩導揚
美善不敢以淺陋不文為辭謹臚敘前事撰五言

詩十章以竊附於虞書賡載歌之義其詞曰

明倫三代重視學百王同幾見穆穆文
仙仗親來祀魯宮雍雍瞻拜肅穆穆悃誠通

輦路歡聲徹十

今皇禮數崇二十五

其二

九儀方告備展墓復停

鑿文楷干霄直長松倚壑寒風來聽絲竹日落想衣

冠曲蓋留

恩寵從今重禮官

其三

銘功還勒石最屬講堂前

御筆蛟影舞

高文日月懸硬黃存楷法飛白見真傳十字延陵碣輝

光相後先

其四

高檐

親署額揮灑動乾坤一觀

天章麗羣知師表尊寒光凝壁沼壯采眩橋門萬世儀
型立微言更討論

其五

老檜聳千尺當時手自栽經寒不改操歷久見奇
材聖道真如此

王言實大哉良辰披卷讀雲漢互昭回

其六

至聖羹牆見題詩志景行微言探玉簡條理應金
聲游夏何由贊臯夔孰敢賡寧惟風雅事五字得
長城

其七

官禮元公定貽謀百代遵明堂圖自在東野澤將
湮

其八

天子思功德書生列縉紳魯源誇父老重見繡裳新
一中遙授受異代見傳心統系存濂洛危微自古
今守先家學遠啓後

國恩深四姓齊肩日長聽絃誦音

其九

升堂羣執事拜舞覲

天容奠筭兩行肅循牆三命恭何當

頒爵賞取次到章縫濟濟欣相告新沾雨露濃

其十

學竝尼山峙

恩隨泗水流非成書一代何以法千秋藝苑傳歌咏儒

林備纂修

興朝典禮在什襲儼共球

大駕幸闕里頌

并序

右春坊右中允兼翰林院編修

臣

胡會恩

臣聞德藝之宗均爲樂祖道法之萃彙於

素王百辟藉其師資二儀耀其符采是以昌平誕降

瑞應端門曲阜旣遷名仍鄆里城北藏經之壁序

立鐘鏞泗濱臥斧之封壇存瓴甓鴻號頻加於累

代隆文有待於

聖朝我

皇上乾德時乘泰符躬叶霧臺偃伯武庫韜戈西序東

膠夙聞憲乞名山顯位亟望升中顧乃典陋金泥

文芟玉簡歲維星紀律轉黃鐘既輯瑞以陳風聿
省方而正俗

駐鑾輿於充土羅

法從於孔林用修釋奠之儀丕振右文之治舞陳八
佾綴兆咸齊樂奏三終俎殺畢備裸將展恪肅拜
加崇於是

臨絲竹之堂進褒成之裔繹微言於魯論闡奧旨於
義爰周覽瑩林徘徊廟寢象環綦組儼覲衣冠文
檜靈著如親手澤

宸章溢灑

奎畫旋昭鸞軒鳳翥之焯煌玉振金聲之條理固已光
懸日月色映球圖矣若乃上公紫綺之

頒榮分藻火四氏清華之秩寵溢簪裾由茲掃闕榛
蕪宏開聖域昭回雲漢屹峙豐碑沛蠲租置戶之
仁舉衛道崇儒之事此皆

皇上心源獨契先後同符統緒相承古今特立之盛軌
也小臣弁鄙備職禁林敬播頌聲以昭曠典頌曰
維

皇受命藝極陳常武功用戢文德乃彰納民軌物養士
膠庠覃我

聖化敷我

王章廣厲學宮以弘儒術六經煌煌功歸剛述是集大成教思洋溢

帝曰欽哉奉茲表帥爰修肆覲駕言徂東樂御德車肅肅雍雍百爾執事莫不率從宮牆我我孔子舊宅有鬱者瑩徠松甫柏禮器攸存儒風大闢

天步式臨攬厥勝只載拜展謁必恭敬只洋洋聖澤惟游泳只升堂入室美莫罄只豆登在列金石在懸儀型載仰有縱自天侑以玉爵肆以朱絃兩楹旣奠式禮莫愆迺陟講堂講堂翼翼迺周宮庭宮庭

殖殖迺汲甘泉迺撫嘉植草木向榮山川潤色有

斐

天章藻耀高翔有輝

寶翰金薤琳琅爲典爲則于羹于牆欽茲道德世祀彌長迺官聖孫迺錄賢系載弁俵俵以繩以繼羽葆續紛以光廟祭文綺豐貂以

錫哲嗣廓聖之緒惟

帝之功鉅典昌明闕里之宮皇哉

湛恩昭哉禮容尼山大宗永紹厥封前有周公後有孟子竝勒碑銘以綏仰止

三會盛典 卷二十五 六
帝絃皇綱載揚休美於萬斯年垂光信史

皇帝幸闕里釋奠恭紀

右春坊右中允兼翰林院編修臣李澄中

前年甲子十月時

皇帝問俗先尊師諸侯朝會泰嶽畢

翠華更指泗水湄左亳右社兩觀出層城曲阜何透
迤登堂禮器制度古山罍玉豆兼鼎彝麾旛首尾
雜綵繪應鼗響答笙管吹翩翩翟籥自萬舞猗那
歌頌無參差我

皇盥獻肅再拜微風不動揚靈旗於昭

至聖儼陟降馨香明德遙相追杏壇卓立懷英字書

藏魯壁聞金絲老檜依稀記手植風霜駁蝕苔蘚
皮旋紋屈蟠金鐵骨蒼鱗怒茁虬龍枝更遵輦路

謁

聖墓石壇一望形纍纍千章喬木絕烏雀楷旁剩有
藁生著真宗東封駐蹕處至今亭子留遺規

宸章高揭懸日月十行仰睹爾雅辭詩律賦記妙風格
天葩燦爛雲霞垂鳳蓋

賜出表異數

御額題作千年基廟中玉節寒旖旎檐前金薤春葳蕤
鬼神歲歲共呵護屏除木魅奔妖螭世官博士逮

四子元公遺愛分諸姬

聖朝名器豈濫與要爲吾道存綱維漢帝太牢誌過魯
貞觀釋奠弘唐治豈若吾

皇闡精一修明經傳文在茲幸逢盛典愧揚厲恭頌辟
雍明堂詩

大駕南巡賦

日講官起居注右春坊右中允兼翰林院編修

臣徐嘉炎

粵我

皇清之總三才而襲氣母兮歷

三聖而冠百王惟

聖主之首出乎庶物兮鼓橐籥而播陰陽當甲子青龍
之元會兮赫景命而召禎祥誕五德之純精兮開
萬禩而輝煌耕獵道德而爲苑囿兮馳騁仁義以
爲津梁光無幽而不燭兮澤無往而不彰紹盤羲
而代嬪兮孕苞符而統混茫旣四海之寧壹兮乃

三會盛典 卷二十五 九
兆人之如傷作雷雨之解而在宥兮象風地之觀而

省方爾乃建霓旌張鳳旆雲旱日旂虹幢羽蓋萬騎
續紛千乘繁會乃先沛膏雨於垓埏集羣生於覆
載倣天乙之弛羅儀鎬京之大賚獨南國之倉箱
望東州而賑貸推恩數於羣臣賓化育於無外於
時背秋涉冬寒氣始升焦溪漸涸湯谷將凝水澤
之腹旣堅不周之風斯興木脫葉而童童草解節
而稜稜吾

皇於是駕雲龍之飛輅張秋隼之華旗飾軍容於七萃

申武衛於三驅隆隆記里之鼓鱗鱗相風之車散
轡於漁陽之野校戎於龍馭之墟則有屏翳清塵
望舒懸象飭馳道之離宮闢修途之榛莽有轍轍
之攀躋非駟駟之弘敞眷北顧而逶迤憑南雲而
下上值三農之休暇惟六龍之是望極九有之神
功爰告成於岱宗嗤齊桓之望瑞陋漢武之乾封
爲民儲祉秩敘惇庸望天孫而至止仰日觀而雍
容爰祇誠而徒步乃獨致夫虔恭

乘輿屏其勿御腰裏却而罔從懸崖垂二分之足絕
壁俯萬尋之松似捫參以歷井若凌虛而御風狂

三傳金史 卷二十五
天門而排閭闔經千樹而瞰三宮胼胝均勤乎大
禹焦勞重見乎神農時則衛士嚴裝從臣啓路釐
室儆晨齋宮戒暮慶成乎答天之禮敷告乎勤民
之故神人允協其休和臣氓式遵夫矩度鷗車東
振闐戟南翔渡沂沆而行邁涉汶泗而飛揚巡河
濱而周歷思激水之溝防玩璿珠於漆澤屯櫂石
於宣房招河伯以效靈顧海若而望洋南際邗溝
北始汜光嗟泛濫之愁人致污萊之卒荒經營乎
潰決之陂疆理乎橫流之場必鑿海而歸墟斯我
田之旣臧何水衡之足惜爲當救此一方駕餘艘

之乘舟杭一葦而南浮任長風之破浪亦沿波而
泝游蕩日青龍之艦排雲飛燕之樓組練耀昆明
之浦帆檣聯彭蠡之洲牙旂桂楫赤舳銀鈎涵泳
則羣山遙指溯洞則百川競流盡乾坤於一瞬坼
吳楚而爲漚緬六代之繁華經千年之建業瞻虎
踞於名都指牛頭爲天闕隘紫蓋之偏安狹金車
於季葉睠故國之山陵乃追揚其謨烈稽運會之
始終嘉唐虞之盛節致隆儀於軼代戢軍氓之剪
伐斯無前之至德實靡有之軌轍惟經綸天下之
大經迺曠世同符而莫越南眺吳會清嘉之宇俗

號秀民地非沃土攬轉運之京坻恤煩疲之廩庾
襟茂苑於具區帶橫塘於江浦遡秦伯於千秋起
言游於三古稽山在望胥濤驚眼勤望幸於黔江
佇况榮而宛轉念

兩宮之暫離遂

六龍之旋返植梧鳳於岡陵斲修蛇於墳衍馳延屬之
紆途陟剡崦之峻坂灑

宸章於妙高登浮玉而遐覽黃童襁負以待澤黎庶謳
吟而送遠觀乎人文久道化成景終古之教澤過
關里而式憑大猷是經先民是程尊元公而開元

聖由素王以及素臣仰

帝師而下拜志重道以弘文晰欖檀雜離之木辨雞
羹龍勺之銘翠古檜之菁葱撫楷模之輪困湯湯
乎洙泗之流屹屹乎防阜之城結山河之兩戒鍾
地脈於百靈於是世胄謁禮諸生肅興倣累朝之
賓監榮先聖之雲仍制旣隆於紹嘉恩更亶乎褒
成盛三雍之上儀崇百代之休稱是日也

天子考五經之統紀思六藝之折衷爰披圖而誌績論
報德而酬庸籩豆舞佾之繁銀鏤琬琰之隆是未
足以光天德贊聖功乃留曲蓋之疑嚴軼葩瑤之

三會盛典 卷二十五
龍從屬祗寅乎禋祀紛於蠻而豐融廣錫類之孝
思弘論說之儒風歷漢元以迄今茲誰尊聖之克
同爰乃

廻駕旋軫飛軫整旆鳳轡玲瓏麟毫琴麗張廣樂於
洞庭舞咸池於北冀千鈞之虞力洪萬石之鐘音
備賦忠厚於行葦歌太平於旣醉千疆雷赴萬里
星奔東燿滄海西耀玉門奠斗辰於皇極布星宿
於崑崙日南則威加窮髮漠北則武震烏孫重舌
緩耳之國雕題黑齒之氓莫不來王而慕義稽首
而稱臣

皇帝猶願時雍之速屆俾風動之遄臻乃下

明詔勵羣臣崇學校飭儒紳道德文章濟濟振振遐陬
密壤過化存神是以敷天之下率土之濱含文抱
質履素懷真歌風舞雅蹈德詠仁沐浴乎詩書之
澤翱翔乎禮樂之英郊畿父老迓望

屬車千官紛會雁列鳧趨懷銀黃及璽紱佩玉虎與
金魚頌省耕省斂之舉上豐年大有之書猗歟盛
哉皇帝王三嬪之運唐虞夏遞降之餘我

皇之至德亘萬古而難踰頌曰

煌煌

聖祖創惟艱兮洎我

章皇開八埏兮

皇帝聖德宏先業兮既覲文光揚武烈兮三孽既殄毒
痛除兮海不揚波同車書兮殊方貢琛入質子兮
震疊懷柔百神慰兮思我烝民際太平兮或虞幽
隱壅上聞兮

省方陳風觀我生兮登岱祈天志憂勤兮經綸參贊
遵先聖兮道一風同克永命兮有虞五載巡狩徧
兮亦越姬周十二年兮我

皇法古純不已兮時邁其邦昊天子兮小臣獻頌介景

福兮

聖子神孫永天祿兮

聖駕臨幸闕里恭紀 集選詩

左春坊左贊善兼翰林院檢討 臣 周清原

我

皇秉至德 沈約 時泰玉階平 任昉 川嶽徧懷柔 顏延之

民思歌被聲 顏延之 肅肅宵駕動 陸機 凜凜天氣

清 曹摅 青霞雜桂旗 沈約 朱軒耀金城 張協 冠珮

相追隨 江淹 駕言遠徂征 陸機 崇山鬱嵯峩 陸雲

禮登竚

睿情 江淹

其二

岱山饒靈異

范雲

天路安可窮

曹植

白雲隨

玉趾

沈約

皓月鑒丹宮

顏延之

晨策尋絕壁

謝靈運

平

明登雲峯

謝眺

下臨千仞谷

司馬彪

仰聆大壑瀟

謝靈運

兼燭八紘內

劉楨

托慕九霄中

沈約

萬象

咸光昭

謝靈運

玉宇來清風

劉楨

其三

日觀臨東溟

顏延之

高盼渺四海

左思

襟帶盡巖

巒

徐悛

崇雲臨岸駭

陸機

碑版誰聞傳

謝靈運

若

若歷千載

謝靈運

點翰詠新賞

江淹

上天垂光彩

魏文帝

迢遞起朱樓

謝眺

天子命上宰

棗據

揚鑿戾

行宮

謝瞻

翠山方靄靄

江淹

其四

欽聖若旦暮

謝靈運

言論準宣尼

左思

回軒

駐輕蓋

鮑昭

嘉樹下成蹊

阮籍

叢林森如束

張協

樛

枝聳復低

謝眺

徘徊墟墓間

潘岳

顏閔相與期

阮

籍

肅肅廣殿陰

江淹

濟濟映光儀

曹摅

德禮既普

洽

顏延之

命駕起旋歸

阮籍

聖駕幸闕里恭頌有序

國子監司業臣彭定求

臣聞作君兼統於作師道法實該夫治法微言剛
述功在六經大義昭垂理歸一貫洙泗開百王之
範春秋立萬世之宗我

皇上丹宸凝神細旃味道履仁蹈義優游純粹之林盡
性達天函蘊精微之府固已

淵衷夙契

至德宏昭矣茲值海寓之昇平當

璇宮之清燕時巡方舉望秩初修瞻魯甸以來遊訪

三會盛典 卷二十五
孔庭而涖止登山觀海式親俎豆之容入室升堂
益慰羹牆之慕禮加崇於

先聖

恩遍及於後昆懿典備焉休風尚矣爰徵載籍代有成
規建武停鑿迄貽譏於讖緯祥符駐輦終獲詣於
天書展謁雖隆闡揚未覩惟我

皇上折衷禮樂制備憲章游覽圖疇功兼述作稽古却
東封之典尊師修北面之儀心法相承直紹源流
於千載音容如覲儼然授受於一堂則倣惟殷步
趨罔間所謂臻其闕奧且以證厥津梁也矧復挾

天章之麗揚

宸翰之輝凡屬殊榮尤稱僅事從此定百家之軌轍道
炳中天擴九有之風聲化成率土允矣斯文之慶
誠哉大道之光弇陋小儒遭逢斯盛識同窺管何
能仰贊

高深職在濡毫竊效詠歌化澤乃拜手稽首而作頌
曰

景歷貞元會

乘輿到杏壇

省方先海甸返旆自江干統接尼山武源尋泗水瀾

麟郊屯羽騎鷲序整纓鞞駐蹕亭凝紫繚垣旭繪
丹晴沙荆避路密蔭檜凌寒吐玉留朱紱樅金降
翠鑿奎門迎劍珮享殿集衣冠望氣祥雲擁升馨瑞
露溥牲牢踰漢祀纁幣肅祠官鐸擬周雝振絲聽
魯壁彈表章師道重妥侑

帝心安遠軼崆峒駕真同岱嶽觀摛詞舒

睿藻叶律和猗蘭翰采霏瓊貝文漪簇綺紈行間疑舞

鳳筆底訝回鸞華蓋膺

殊錫神旂喜共看傳綸

天賁寵賜爵

主恩寬盛典青編紀穹碑綠字刊小臣司俎豆歌誦託

毫端

幸魯頌 有序

日講官起居注翰林院編修 臣 勵杜訥

康熙甲子冬十一月

皇帝命法駕詣闕里釋奠

先師禮肅九拜甚曠典也既進弟子員講書畢徧觀

車服禮器撫嘉植閱豐碑愾然遐慕彌切景行爰

御書榜額作賦咏詩

奎畫天章之盛振古如茲洵爲勗見雲漢昭回廟堂增

重已復謁林展拜游覽久之乃撤

仗前曲柄繖留於廟庭

賜賚聖裔以下章服幣帛有差進講者二人授以官
異數深恩皆往代所未有是舉也不惟東魯之父老諸
生歡聲雷動凡在列羣工薄海橫經之士仰見

聖天子篤學右文崇儒重道如此其懃拳懇摯也相率
感奮濯磨蒸蒸向風而宣聖之統緒更極昌明已
寧祇典禮煒煌昭垂奕世哉敬拜手稽首而作頌
曰

羲畫肇開弘宣至道歷禩哲人執貞蘊寶王迹晦
冥幾委蔓草崛起尼山瀾廻旣倒彝訓修明功逾
軒昊燄虐羸秦簧鼓佛老詩禮之堂鼓鐘孰考在

昔誼辟間枉鸞旌信道未篤祇循其名洪維

至聖首出立極天錫直聰古訓是式亶亶就將乾行不
息洞徹性天闡揚精一寤寐儒宗儼臨魯邑祭菜
升歌心儀至德

宸翰充庭輝炳星日環橋駿奔湛恩洋溢洙泗增流杏
壇起色緬維隆古以君作師厥統旣分我

皇一之外王內聖包舉弘規登三成五參贊兩儀遙遙
百世文其在茲小臣載筆恭紀昌時

聖駕幸闕里頌

有序

日講官起居注翰林院編修

臣

顧藻

蓋聞河圖發苞符之秘太極函闔闢之原畫啓羲
皇筮推軒后神堯之欽明峻德帝舜之濬哲重華
夏鼎商盤文謨武烈靡不綜該一貫於以統攝萬
幾至若集帝與王而大成會性與學而立教恢中
天之運則日月相昭垂億載之傳則乾坤以位實
由

宣聖夫子至道斯存焉而自漢唐以還英主亦懋崇
儒之蹟宋元而降太常僅申釋菜之文黷宮之類

璧藻采雖華闕里之庭階薜痕或剝洪惟我

皇上性本天知文思天縱聿昭英武海寰悉慶平成右

尚鴻文山溼胥歸胞與致垂衣之治旣老安而少

懷陳典學之規更中和而位育挈千聖百王之緒

總滙神明抉五經六藝之微咸歸陶鑄誠

聖敬日躋而王風丕著矣乃猶羹牆屬望所紹述乎心

師以至劍履遺踪必步趨乎聖域爰

命觀式叶健行陟曲阜之故堂

鸞旂戾止布杏壇之廣席

鳳蓋遲留大禮尊師

命舞千而合樂中心爲道

躬致拜以薦歆當年之車服禮器宛挹遺徽此日之易

象春秋大宣精義

詔諸生以鼓篋進博士而橫經講席前敷識聖謨之浩

大園橋聽集喜

天語之炳烜于焉

駐蹕孔林

停輿川上源泉混若干百載不啻親承古道依然前

後聖總靡殊指用灑

天章特標

宸采詔羣倫之師表留終古之碑題玉振金聲數仞之
宮牆愈臻輪奐天經地義萬年之俎豆益著光華
斯固生民含戴以來曠典特殊之盛者也臣幸遭
神聖親際休明敢持蠡測之愚聊紀斑窺之實謹拜手
稽首而獻頌曰

貞元會啓景運遐昌顯謨駿烈毓祉凝祥握乾御
坤於致垂裳道統惟聖建極惟

皇敦敏狗齊蘊隆函翕堯安舜協厥中允執千聖淵源
兼綜竝立廣運惟神文敷武輯

聖學日懋

聖心日恭乃吞典禮乃訪秩宗蠲吉諏時

省方於東旣望于岱覃御六龍霓旌葳蕤虹旄旖旎
詣于杏壇遵于闕里奕奕防山悠悠泗水拱翠含清
呈奇效美端門戾止

降輅肅趨敬躋聖室歆格用孚旣盥旣薦奠瓚旣俱
雞羹龍勺琮璧盤盂四氏贊幣博士迎牲奏以金
石合以韶讌天開日舒欣豫

皇情默契靈泉憑弔佳城還

御講堂陳經闡義鼓吹三墳笙簧六藝聖謨洋洋發
幽啓秘載沛

殊恩大被世裔羹牆在念猶未釋然

龍章親製壽彼貞珉揆藻宣華炳炳麟麟奎光璧采榮
燭高旻呼嵩旋繞歡洽神人於爍我

皇維清熙緝作君作師上律下襲

聖德神功參三屹立小臣颺言拜稽悚慄

皇帝釋奠於闕里詩

有序

日講官起居注翰林院修撰

臣

蔡升元

蓋聞羲畫禹疇遠開道統洙源泗水直接心傳唯
聖人爲百世之師若

孔子則生民未有運丁百六身固尼於當時業授三
千道實亨於奕禩是以漢高過魯祭用太牢孔吉
紹殷封延苗裔越考延光之歲祀徧諸賢載稽廣
順之年分頒御器開元則詩裁五字至道則書布
六經列戟八雙詔增門外御香一合留置廟中然
而史載尊師唯遣羣工攝事代誇重道止聞再拜

登堂惟我

皇上紹精一之傳建中和之極
聖本天縱尚集笙璫珠典之奇

德協大成還羅甲觀西山之秘輯車書於四表同軌同
文訖聲教於萬方是行是訓爾迺一元開泰

六御乘乾當歲在於闕逢正日躔夫析木

翠華南指河嶽效靈

鸞馭東回海天徧德乃於

省方巡岳之日獨勵崇儒講學之風謂前此景道岸
於千尋久矣瞻尼望魯今且見宮牆於數仞豈徒

釋菜臨雍於是

駐輦升堂宮懸非舊陳牲獻爵俎豆維新屈

萬乘之尊師臣者帝折

九重之節爲道而卑秩典旣成講堂斯

御啓圖書於魯壁聖經可佐治平集觀聽於園橋周
易實參理數旣乃流觀邃宇遐矚高墳源遠流長
井華不改本深木茂檜幹依然特賁

天章森成

奎畫五言賦就吟來寶玉琳瑯八體書工望去慶雲紉
纓且也華芝繡繳

賜撤仗前曲蓋流蘇香飄座右家蒙爵賞羣依
天子之光邑免租庸共沐

聖人之澤擴幽宮之邊幅永斷樵蘇設守廟之官司常
供灑掃肇弘模於不世軼隆古而無前陋彼曩規
徒借觀兵而登曲阜遠踰方策豈因封岱以過稷
門至治馨香斯文佑啓洎乎

回鑿告止端拱凝神

聽政餘閒齊居思道濡帝鴻之硯文構豐碑揮秋兔
之毫書懸芝榜鸞停鵠峙縱橫於

駐蹕亭邊緣字赤文焜耀於杏壇門外唯

君道克光師道斯

王言允叶聖言况乎祀秩元公遞及於顏曾思孟

恩推

至聖不遺夫濂洛關閩休哉道洽化成允矣禮明樂
備臣智同測蠡技比雕蟲

豹尾隨車有懷扈從

螭頭載筆願效賡歌敬獻巴詞敢揚盛事

岱郊成禮不封巒問俗江淮雨露寬東望泮林連
夔相南來車騎

勅祠官衢通五父循牆入

詔許諸生夾道看知是

王心恒主敬稷門乍到便停鑾

其二

判架軒懸設兩隅

親紆玉趾杏壇趨千秋重器元和在

九拜新儀廣順殊禮殿

奎章先後降講堂經術治平須更留曲璫分

仙仗盛事從稽舊典無

其三

洙水橋廻輦路存大庭雲物接松門欖檀樹底林

無刺瓴甌祠前鳥不喧井稅新蠲今歲賦墓田重
拓舊時原自封黃玉千年後未見優崇若

至尊

其四

銀榜高題萬世師更礪燕石輦豐碑儒林還錄周
公後祀典兼修孟子祠檜樹清芬敷

睿藻川流今古契心期微臣螭陛簪毫侍喜覩書成道

統垂

幸魯盛典卷二十五終

幸魯盛典卷二十六

聖駕臨幸闕里恭紀

日講官起居注翰林院修撰臣陸肯堂

升中日觀下星衢

輦道風清

睿覽紆不獨方行周海岱須知演孔得真圖

其二

揚葭伐鼓泗源廻五色仙雲夾仗開魯國三千圭
寶士一時歡沸屬車來

其三

金絲堂近魯王宮五鳳遺軀嵌壁東
玉趾升階陳祝冊杏壇進爵恰當中

其四

犧象山尊自漢時軒懸翟舞奏清詩太牢祠魯尋
常事釋奠曾無九拜儀

其五

上公奉席儼橋衡詩禮堂前講義呈此日雍容陪

勸誦親聆

天語誨諸生

其六

檜樹靈根不作茅琳瑯金石淨苔花

聖心飲水尋真樂愛向庭陰汲井華

其七

曲莖

御蓋引旌旗日射曛曛樹影疎

特勅中涓留魯殿萬年長護素王車

其八

大庭遺庫墓門通瓴甌壇前楷木風縱是前朝曾
駐蹕不聞拓地至千弓

其九

三晉盛典 卷二十六
賜衣賜爵襲恩殊更

賜今年一縣租博士特官元聖後褒崇盛禮百王無
其十

因懷禮殿念費居銀榜高懸暎紫虛不是東巡
親御魯如何寰海降

天書

其十一

燕山白石白於霜琢就交龍額更長載入檀車來
闕里一時奎壁盡騰光

其十二

書成盛典貯三雍百世長應掌秩宗却笑祥符晏
元獻僅將靈貺頌東封

三會盛典 卷二十六
儼如親色笑寧止慕羹牆德意原孚感標題重表
揚龍鸞飛天矯金玉韻鏗鏘苗裔承恩澤儒臣獻
頌颺膠宮增氣色汗簡有輝光未備趨承列深慚
侍從行威儀餘想象歌誦實徬徨共仰文明治欣
逢景運昌普天瞻

聖化鴻冊布輝煌

皇帝幸魯恭頌四首

翰林院修撰臣沈廷文

中天瞻

舜日

法駕杏壇過扈

蹕千官擁鳴鑾六馭和旌旗連岱色洙泗接天波遊
豫非無事羹牆思實多

其二

羽葆臨青甸松陰夾道馳壁餘絲竹奏碑沒漢唐
詞聖學昭前代文明紀盛時東風猶有頌况復禮

三會盛典
卷二十六
五
先師

其三

駐蹕非行樂崇文世所稀
笙鏞陳古樂車服識遺徽
東帛紛丹素鸞刀啓膺肥
禮優來肅拜從祀有光
輝

其四

大德垂天壤鴻儀感

帝王

睿才新石碣

天語煥宮牆旣錫元公嗣
還題亞聖堂

盛朝無軼事鉅典備煌煌

恭紀

聖駕東巡幸闕里詩

翰林

院

編

修臣沈三曾

葭瑄陽回大地春爲勤

清問重時巡岱宗雲起隨

龍馭闕里風清駐

玉輪南國謳歌虞后盛東家禮樂素王親歡呼父老

傾齊魯快觀隆儀在此辰

其二

尼丘衣履煥千秋前代希逢法駕留九拜禮成宮

廟肅兩楹舞就辟雍求銀鈎迴照

天題切黃繖長懸

御氣流不似漢唐虛致敬儒林異數更無儔

其三

袞冕親臨詩禮堂經書敷講最精詳誰知

萬乘衣冠會宛見三千弟子行竹簡韋編陳

御座流泉蒼檜入

宸章顯揚文教須臾事已識風行徧四方

其四

葱鬱依然堂斧存還紆

玉輅訪秋原林禽喜逐鸞聲語著草靈因瑞氣繁欲

廣道基重拓地不收仁粟共沾恩總將聖域培來

厚長與

皇圖萬古尊

聖駕幸闕里頌

有序

翰林

院

編

修臣

張廷瓚

臣聞在天垂曜三垣聯奎壁之輝惟聖崇文百代

衍疇圖之緒道法即為治法原合政教以同條傳

政實本傳心亦統君師而竝建粵若鴻荒肇曆羲

軒初啓文明側陋凝符堯舜先傳精一典章象數

爛雲漢於穹蒼禮樂車書播風聲於時夏迨幽平

而降五霸之世如冬自孔子篤生萬古之天不夜

文謨武烈納戶牖以同歸帝德王功入甄陶而共

貫譬彼流分四瀆朝宗滙滄海之波曜走雙丸懸

象麗中天之景斯文大矣備道弘焉是以三千弟子仰泗水而傾心歷代帝王望尼山而展祀太牢特享漢功成逐鹿之年王爵加封唐運啓躍龍之日巍峩衮冕竟同帝座之衣冠峻極庭軒恍若天家之陛闕元音備六代之樂北面修再拜之文自古已然於今爲烈欽惟我

皇上超軒軼昊咸五登三秉聰明首出之資彌勤宵旰當人文化成之日益事詩書

玉几橫經璀璨列丙丁之部

瑤軒側席琳瑯光甲乙之科祥烟深護西崑麗景常

依東壁聽紫禁漏聲未歇已見垂衣盼綺疏月影全移猶催傳燭厥中允執淵源上接唐虞大義精探圖數直窺河洛三綱八目攬修齊治平之全功兩地參天包易簡清寧之元化用能握乾綱而造物宇內咸春秉離照以膺圖域中無外風雷應候日月升華澤馬飛鑣山輿結轍仁聲肆訖遠通蟠木之鄉義問丕昭直達扶桑之域其稽古也如彼其成化也如此乃猶遐想儒宗緬懷先覺念彼堯封禹甸八荒皆

天子之家况茲魯境齊疆千里卽聖人之宅孕星鈐於

東土錫麟紱於西郊車服圖書瞻德容之未遠琴
尊鐘鼓觀法物之常存赫靈爽於古今壁內猶聞
絲竹萃氤氳於天地堦前不產蒿萊斯誠海宇之
名區抑亦人倫之師表雖辟雍戾止已開京師首
善之規然闕里親承益溥四海同文之化矧觀風
問俗察吏省方採哲陽之舊歌晞榮光之新躅猶
足使青圻赤縣傍

鸞馭以言情白叟黃童望

龍顏而拜手豈非達聰明目一道同風者哉於是肆播
德音誕敷

明詔解澤傳來天上異風降自雲中陟嶽降原振薄海

懷柔之烈翕河喬嶽慰敷天哀對之心乃以康熙

甲子歲秋九月二十四日丁亥六戎宵警七校晨

羅銀箭初收金鏐乃出雨師效職先清紫陌之塵

天老呈祥直上觚稜之日飛蒼螭而戒道環羽騎

以扶輶轂轉聲騰走雷霆於地上旗開影直翔鸞

鳳於天邊晴郊宵敞帷宮暮山欲曙廣野晨開

帳殿寒谷生春閭閻爲之聚觀黎庶因而加額黃龍

青雀臨吳會以耀江干葆羽翠華登泰山而小天

下飈飛電掣岳轉川迴望溟渤以長驅睇防陰而

東指於十一月旬有七日戊寅至於曲阜致祭
先師禮也爾時青羽司音初陽屆節天開翠色結淑
氣以中停日耀彤精協神光而上燭攬風雲之明
瑟暖律如吹撫景物之澄鮮堅冰立散宗伯先詳
故實祠官預肅章程玉戚朱干遠移太常之樂舞
山壘象勺祇修歷代之宗彝簪裾踰濟於橋門鴛
鷺趨承於廣殿越翼日己卯雞人始唱燎火爭輝
大輅旋移齋宮早降

帝顏肅穆麗晨景以照華旒

天表雍容曳清風而鳴蒼玉握文履度如見當年鳳峙

龍蹲不違咫尺牽牲贊祝嚴登降於三巡獻帛陳
樽肅威儀於九拜鼓協逢逢之節薪昭皙皙之輝
揚登歌而響遏寒雲凝肆夏而聲飄碧落振鈞天
之雅奏符聖德之大成煌煌乎僣僣乎與玉振金
聲酬答一堂之內珠庭日角授受千載之間矣既
而禮交樂備列辟方騰躍以揚休席啓筵開

天子更傳宣而講義

輦過奎文之閣

裳垂詩禮之堂龍雯則焜耀瑤階雞舌則縈旋芝檢
魚鱗在列燦黼黻於千官雁序西陳集冠裳於五

氏探聖言之秘奧啓沃攸資紹家學之源流對揚
有本新民明德總王道之津梁天尊地卑湛六經
之膏液精心闡述理晰毫芒正色敷陳聲諸金石
符昭素之講乾卦五位飛龍同頤正之進禹謨七
旬舞羽涓埃罄竭欣邀

天聽之卑綸綍溫文更荷

王言之重勗哉多士稽古何榮勉矣羣工面牆其戒斯
可謂下收葑菲廣育菁莪尊師之道全崇文之事
備矣于是周覽廣庭徧觀古蹟架丹梯而插漢爛
若神扶攢畫拱以窺天巍如嶽立華璫疑壁掛明

月於崇朝密網連珠綴奔星於長晝緇帷晨啓恍
聞四壁絃歌絳帳宵懸快覩兩楹俎豆儀形筦爾
儼泰山梁木之容列侍閭如備沂水春風之致斑
剝光騰凡上周鼎商彝璘珣影峙階前唐碑漢篆
槎枒古檜標鐵幹以無枝披拂高槐傍石峯而垂
葉偃龍傳溜響清洙水橋邊園玉裁基色映杏花
壇上凡此往蹟曩規之具在皆爲

宸遊睿照之咸周更慶殊榮丕昭崇敬兔毫飛灑擅懸
針倒薤之奇璇榜

親題備鐵畫銀鈎之勢

帝歌再作包大道於斯言

天藻維彰壯長城於五字碑凌最屬渺海嶽之崇深字
勒响嘍掩日星之光耀撤龍旂以示敬曲莖成形
留芝蓋以明尊中黃表色虹梁懸處疑雲影之將
低藻井垂來若蓮華之欲落以視彼開元揮翰栖
栖發麟鳳之歌廣順廻鑿屑屑給金銀之器豈不
懸絕霄壤度越逕庭也哉若夫山川奔會栝柏蒼
深孔林匪遙松楸斯在過從陋巷

金輿徐動街衢出自北門

仙旆平陵城闕指峯巒之曲互眺原野之扶輿疊嶂

遙開枕岱宗於北絡長襟遠映環滄海於東流式
瞻幽宅千年致敬遺封三尺醪傾琥珀再陳林垆
之尊禱籍氍毹又下墓門之拜昔年著楷遠從列
國移來此日根菱親荷

九重摘下石馬屹立若瞻

天仗以長嘶翠草何知亦繞

御衣而欲舞斯又榮生幽壤光照重泉者矣至於大澤
汪洋隆恩優渥土田載錫永充享祀之粢盛國賦
新蠲留作耕桑之儲積增常員於博士慶流凡蔣
之封沛異數於上公寵邁褒成之爵鷹揚武弁復

置專官鴻漸諸生竝參華選頌來細帙撲芳馥於
行間賜出豐貂滿陽和於袖底綾分鶴頂堪嗤鮫
室之綃綿織鈿窠若散平陵之彩猗歟盛哉始稽
入廟終逮回驂史不勝書美無弗備一十四君之
釋菜輝煌遠遜

熙朝二千餘載之傳燈契合正逢今日臣廷瓚十年
史職兩世詞曹握簡木天敢望夔龍之武吹藜芸
閣竟窮游夏之辭欲由是道以升堂不得其門而
入室昌期幸際

鉅典欣瞻雖曳珮垂紳未厠駿奔之列而窺天測海

竊申雀躍之心珥筆懷慙染毫難已謹拜手稽首
而獻頌曰

惟

皇天授濟哲文明厚符地載健比乾行萬方作觀百度
惟貞義林書圃禮耨仁耕席起金華筵羅錦帙法
禹寶陰師湯銘日扶輿天根探微理窟朝斯夕斯
罔或暇逸

聖學彌廣

聖化彌神車書同軌天下歸仁戶牖八極管鑰九垓悉
內悉外歡和以賓時維甲子歲功方畢遠駕

三會盛典 卷二十六
六龍言遵廣術納賈陳詩協時正律雲行雨施魯邦
駐蹕

駐蹕維何昌平之鄉鳧繹我我洙泗湯湯

帝曰欽哉夫子宮牆敢不祇肅蠲饎以將元酒東陳芳
薪西樹嘉籩廣豆和羹秬黍考我鯨鐘伐我鼉鼓
堂哉皇哉雲門大武講堂翼翼

鸞聲載臨香浮銅鶴霞擁華簪瑤函秘笈孔傳羲經
敬抒一得仰贊

高深頌發

天章勝輝

宸翰錯落珠璣奔趨神腕虎卧龍跳鏤琰鐫琬煥乎大
文卿雲紉縵天光下濟湛露上浮命官錫爵省賦
輕繇聖裔聖胄後舞前謳歡呼稽顙無疆惟休於
鑠茲行風聲洋溢瓊檢勿祈銀繩詎飾吏不呵譏
民無供億藝極陳常品物咸秩旌廻

丹地令布

彤墀迎陽履泰受福承禧於萬斯年垂拱無爲惟師
惟

帝惟

帝惟師

恭頌

聖駕幸闕里詩四首

翰林

院

編

修

臣

沈朝初

御蹕六龍清宮牆曲阜城尊師欽

帝則崇道協輿情殷奠兩楹肅夔章八佾成欲知數千

載

聖聖繼精誠

其二

蒼檜歲三千故壇敷

講筵昔人如可作

天語早相宣道在虞廷重經由魯壁傳祇今環聽者章甫盛翩然

其三

曲蓋飛黃彩山樽繡綠痕由來三代物

賜出九重門肅肅瑤階靜巍巍藻殿尊悉經輸府帑薄

海識

殊恩

其四

駐蹕已云久

廻鑾未卽還會心原默契道統况真傳過墓撫文楷觀

瀾問古川總令昭萬禩琬琰有新鐫

和翔洽海宇昇平道一風同民物誠阜所以欽崇孔子者既用其道以成堯舜之治矣而又

親行釋奠典禮特加奠越前規豈非自孔子來千百年

所未嘗有者哉臣備員珥筆之末竊幸躬逢

盛事自惟學殖淺鄙詞章蕪陋無能發揮

鴻業賡頌

皇猷輒操短管敬自纂述未窺一二不勝悚惕隕越之

至謹拜手稽首而獻賦曰

猗寶祚之弘開膺上天之篤祐拱芝璽於萬年軼

蘿圖於三五揚大烈與耿光纘鴻庥於

列祖玉衡正而泰階平

聖人作而萬物覩於是握金鏡挈珠囊修六府育百昌

運乾紐而行天不息載坤維而應地無疆溯循蜚

與疏仡邁瀉泐於陶唐盱食宵衣而

一人垂拱綏柔懷遠而萬國梯航躋億兆於仁壽昭七

政之輝光爾乃朗鏡萬機精研六籍登道岸而從

容擴禮園而朝夕見往聖於羹牆揖前修於几席

總玉振與金聲厘遙情於親炙緬維

宣聖爲萬世師啓吾道之一貫信斯文之在茲赤雀

啣符寄經綸於木鐸斑麟吐綬定禮樂於緇帷彼

夫太牢祭於東魯立廟始於西京太師晉三公之
秩宣王致南面之榮孔宜襲文宣之爵仁愿易衍
聖之名藝祖葺祠宇以繪像仁宗設膠庠以延英
皇慶以大成進號嘉靖以木主致誠稽崇儒與重
道揭史冊而昭明然而成轍相沿弘規有待首建
極於中和固折衷之斯在

天子狗齊合德清明在躬發靈文於委宛訪至道於崆
峒統聖智之條理獨仰止於時中雖歲時之釋奠
肅俎豆於雍宮睠車服與禮器常企慕於

宸衷乃舉時巡諏吉旦衛羽林飭緹幔驅七萃而無聲

振六飛而如翰則有望舒擁轂豐隆扶輪畢雨先
驅而灑道箕風前導而清塵會岳牧以問俗省耕
斂以勤民父老謳歌於擊壤士女踴躍而吹豳沐
皇恩之浩蕩聆

天語之春溫遂觀汶濟之清漣跋龜蒙之萃律瞻聖林
之楷模仰尼山之傑出杏壇迢遞迎舜日之光華
檜紐參差捧堯雲之瑞禱導義路與禮門負登堂
而入室爰叶金奏備佾舞撞黃鐘和大呂牽牲贊
采執瓊薦羞神歌清而上達燿火徹而旁煇壁裏
之金絲雷動雲間之彝鼎霞浮奠三爵於堂上肅

九拜於殿頭挹

皇躬之謙敬肇異數於千秋斯時也聚五經之博士集
四姓之小侯莫不効趨踰駿奔走應嵩呼而戴德
賡洛誦而揚休玉帛旣焚豆籩旣撤小大稽首禮
儀中節

天子顧瞻堂廡褒崇志切舉生民之未有將一辭以昭
揭爾乃匣啓琉璃之硯筆移瑋瑁之床恍龍螭之
飛動儼鸞鳳之廻翔蓋聖人爲萬世之師表實維
四字足罄其揄揚璀璨璇題熒煌銀榜傍日月以
齊懸千奎壁而直上增異彩於宮牆亘奇觀於天

壤甫灑藻以揚輝復摛詞而振響開渾噩之元音
曠古今其莫兩乃復擴土田於世澤增散秩於冠
裳曲蓋寵先師之軼

御書榮壽母之坊貞珉綠字岫嶸神章元公錫後子姓
揚芳巍乎至德永示輝煌臣幸際昌明之運濫廁
校書之職惟目覩而神怡輒抃舞而手額恭撰短
章聊鳴悅懌是猶生虞代者稽首而和景星慶雲
遊堯衢者含哺而歌出作入息云爾頌曰

帝德巍巍齊一揆兮登山觀海臨泗水兮蜺旌羽葆儼
戾止兮登堂三獻肅拜跪兮瑤榭金薤奎藻灑兮

諸生習禮元首喜兮講席橫經百工起兮祖述憲
章振前軌今日光月華今莫比兮彤庭珥筆照青
史兮億萬斯年綏厥祉兮

聖駕東巡恭紀

翰林院編修臣趙執信

聖澤霑濡會

天王巡幸時岱雲迎

警蹕海日近旌旗

萬乘殷雷合千官委珮隨龜鳧爭嚮導洙泗照威儀望
秩齊虞典追崇陋漢規定知百川會真覺衆山卑

宸翰羣靈護豐碑奕祀垂

簡書方拜手敬繼侍臣詩

時臣方奉使山西

幸魯盛典卷二十六終



